

钦定四库全书
诗地理攷
提要

经部三
诗类

【臣】等谨案诗地理攷六卷宋王应麟撰其书全录郑氏诗谱又旁采尔雅说文地志水经以及先儒之言凡涉于诗中川谷地名者荟萃成编然皆兼采诸书案而不断故得失徃徃并存如小雅六月之四章 猗匪茹整居焦获侵镐及方至于泾阳其五章曰薄伐 猗至于太原其地于周为西北镐方在泾阳外焦获又在其外而太原更在焦获之外故刘向疏称千里之镐犹以为远孔颖达乃引郭璞尔雅注池阳之瓠中以释焦获考汉书池阳属左冯翊而泾阳属安定不应先至焦获乃至泾阳颖达又以太原为晋阳是猗西来周师东出尤乖地理之实殊失订正又大雅韩奕首章曰奕奕梁山其六章曰溥彼韩城燕师所完应麟引汉志夏阳之梁山通典同州韩城县古韩国以存旧说兼引王肃言燕为北燕国及□郡方城县有韩侯城以备叅攷不知汉王符潜夫论曰昔周宣王时有韩其国近燕水经注亦曰高粱水首受灊水于戾陵堰水此有梁山是王肃之说确有明证应麟兼持两端亦失断制然如驹虞毛□云仁兽贾谊新书则曰驹者天子之囿俟我于著毛□云门屏之间曰著汉志则以为济南著县彪池北流毛传云彪流貌水经注则有彪池水十道志亦谓彪池一名圣女泉兼采异闻亦资考证他如二子乘舟引左传盗待于莘之说秦穆三良引括地志冢在雍县之说皆经无明文而因事以存其地其徵引实为该洽固说诗者所宜考也乾隆四十三年九月恭校上

总纂【臣】纪昀【臣】陆锡熊【臣】孙士毅
总校官【臣】陆费墀

钦定四库全书
诗地理攷卷一

宋 王应麟 撰总说

王制天子五年一巡守命大师陈诗以观民风

书大传圣王巡十有二州观其风俗习其情性因论十有二俗定以六律五声八音七始【汉食货志孟春之月群居者将散行人振木铎徇于路以采诗献之大师比其音律以问于天子】

太史公曰闻之董生诗记山川谿谷禽兽草木故长于风匡衡曰窃考国风之诗周南召南被贤圣之化深故笃于行而廉矜色郑伯好勇而国人暴虎秦穆贵信而士多从死陈

夫人好巫而民淫祀晋□好俭而民畜聚大王躬仁邠国贵恕由此观之治天下者审所上而已郑氏诗谱序诗之兴也谅不于上皇之世大庭轩辕逮于高辛其诗有亡载籍亦蔑云焉虞书曰诗言志歌永言声依永律和声然则诗之道放于此乎有夏承之篇章混弃靡有子遗迨及商王不风不雅何者论功颂德所以将顺其美刺过讥失所以匡救其恶各于其党则为法者彰显为戒者著明周自后稷播种百穀黎民阻饥兹时乃粒自□于此名也陶唐之末中叶公刘亦世修其业以明民共财至于大王王季克堪顾天文武之德光熙前绪以集大命于厥身遂为天下父母使民有政有居其时诗风有周南召南雅有鹿鸣文王之属及成王周公太平制礼作乐而有颂声兴焉盛之至也本之由此风雅而来故皆录之谓之诗之正经后王稍更陵迟懿王始受譖亨齐哀公夷身失礼之后邠不尊贤自是而下厉也幽也政教尤衰周室大壞十月之交民劳板蕩勃尔俱作众国纷然刺怨相寻五霸之末上无天子下无方伯善者谁赏恶者谁罚纪纲绝矣故孔子录懿王夷王时诗讫于陈灵公淫乱之事谓之变风变雅以为勤民恤功昭事上帝则受颂声宏福如彼若违而弗用则被劫杀大祸如此吉凶之所由忧娱之萌渐昭昭在斯足作后王之鉴于是止矣夷厉已上歲数不明大史年表自共和始历宣幽平王而得春秋次第以立斯谱欲知源流清浊之处则循其上下而省之欲知风化芳臭气泽之所及则傍行而观之此诗大纲也举一纲而万目张解一卷而众篇明于力则鲜于思则寡其诸君子亦有乐于是与

文中子曰诸侯不贡诗天子不采风乐官不达雅国史不明变斯则久矣诗者民之情性也情性能亡乎非民无诗职诗者之罪也

周南【召南】

郑氏谱曰周召者禹贡雍州岐山之阳地名今属右扶风美阳县地形险阻而原田肥美周之先公曰大王者避狄难自豳始迁焉而修德建王业商王帝乙之初命其子王季为西伯至纣又命文王典治南国江汉汝旁之诸侯于时三分天下有其二以服事殷故雍梁荆豫徐□之人咸被其德而从之文王受命作邑于丰乃分岐邦周召之地为周公旦召公奭之采地施先公之教于己所职之国武王伐纣定天下巡守述职陈诵诸国之诗以观民俗六州者得二公之德化尤纯故独录之属之大师分而国之其得圣人之化者谓之周南得贤人之化者谓之召南言二公之德教自岐而行于南国也乃弃其余谓此为风之正经初古公亶父聿来胥宇爰及姜女其后大任思媚周姜大姒嗣徽音历世有贤妃之助以致其治文王刑於寡妻至于兄弟以御于家邦是故二国之诗以后妃夫人之德为首终以麟趾驺虞言后妃夫人有斯德兴助其君子皆可以成功至于获嘉瑞风之始所以风化天下而正夫妇焉故周公作乐用之乡人焉用之邦国焉或谓之房中之乐者后妃夫人侍御於其君子女史歌之以节义序故耳射礼天子以驺虞诸侯以狸首大夫以采芣士以采芣为节今无狸首周衰诸侯竝僭而去之孔子录诗不得也为礼乐之记者从后存之遂不得其次序周公封鲁谥曰文公召公封燕谥曰康公元子世之其次子亦世守采地在王官春秋时周公召公是也问者曰周南召南之诗为风之正经则然矣自此之后南国诸侯政之兴衰何以无变风答曰陈诸国之诗者将以知其缺失省方设教为黜陟时徐及吴楚僭号称王不承天子之风今弃其诗夷狄之也其余江黄六蓼之属既驱陷於彼俗又亦小国犹邾滕纪莒之等夷其诗蔑而不得列於此【黄氏曰二南皆文王之化而附之二公岂容有圣贤之辨】

孔氏曰或以为东谓之周西谓之召事无所出未可明也【陈氏曰周公召公为天子之二老分治岐之东西自岐以东周公主之然岐东之地宗周在焉故虽周公所治之国其

实王者之风也】

朱氏曰周国名南南方诸侯之国也文王使周公为政于国中而召公宣布于诸侯于是德化大成于内而南方诸侯之国江沱汝汉之间莫不从化成王立周公相之制礼作乐乃采文王之世风化所及民俗之诗其得之国中者杂以南国之诗而谓之周南言自天子之国而被于诸侯不但国中而已也其得之南国者则直谓之召南言自方伯之国被于南方而不敢系于天子也岐周在今凤翔府岐山县【括地志周公故城在岐山县北九里召公故城在岐山县西南十里此周召之采邑也】

史记正义太王居周原因号曰周 通鉴外纪古公邑于岐山之阳始改国曰周

郡国志美阳有周城

括地志周城一名美阳城在雍州武功县西北二十五里即太王城也【今京兆府】左传周桓公注周采地扶风雍县东北有周城

史记自序太史公留滞周南【挚虞曰古之周南今之洛阳张晏曰洛阳而谓周南者自陝以东皆周南之地】

补传曰武王克商又分二公为左右成王时复分陝以东周公主之分陝以西召公主之【周公居东为洛阳召公居西即雍县召亭雍与洛皆周之中土其化行于南国】孔子论先王之道必及周召述三王之迹亦必及周召见圣人属意于此国风终于美周公二雅终于思召公圣人删诗盖伤衰乱之极非周召不能救也

公羊传自陝而东者周公主之自陝而西者召公主之【注陝盖今□农陝县是也

水经陝县故城注云周召分伯以此城为东西之别

孔氏曰公羊传汉世之书陝县汉□农郡所治其地居二京之中故以为二伯分掌之界周之所分亦当然也

朱氏曰公羊分陝之说可疑盖陝东地广陝西只是關中雍州之地恐不应分得如此不均】 黄氏曰分陝当在武王得天下之后而二南之系当在二公既分陝之后

郡国志陝县有陝陌二伯所分

括地志陝原在陝州陝县西南二十五里分陝从原为界【集古录陝州石柱相□以为周召分陝所立以别地里】

吕氏春秋禹巡省南土涂山氏之女□禹于涂山之阳乃作歌曰□人兮猗实始作为南音周公召公取风焉以为周南召南【程氏曰鼓钟之诗曰以雅以南季札观乐有舞南籥者二南之籥也文王世子有胥鼓南则南之为乐信矣孔丛子云孔子读诗曰吾于二南见周道之所成

左传吳公子札观周乐歌周南召南曰美哉始基之矣犹未也然勤而不怨矣

仪礼注昔大王王季居岐山之阳躬行召南之教以兴王业及文王而行周南之教以受命】

自北而南

孔氏曰书西伯戡黎注云文王为雍州之伯南兼梁荆文王之国在于岐周东北近于紂都西北迫于戎狄

故其风化南行也从岐周被江汉之域

河洲

朱氏曰河北方流水之通名【庄子音义云北人名水皆曰河】

曹氏曰周地东表大河【禹贡注雍州东据河】 尔雅水中可居曰洲

韩诗章句曰河之洲蔽隐无人之处【说文作州】

南有樛木【南有乔木】

毛氏曰南南土也郑氏曰南土谓荆□之域
孔氏曰木盛莫如南土禹贡□州厥木惟乔周官正南曰荆州东南曰□州二州竟界连接
故以南土为荆□与南有乔木同【朱氏曰南南山也】

南国

朱氏曰南方之国即今兴元府京西湖北等路诸州【周书大匡曰三州之侯咸率程典
曰六州之侯奉勤于商 六州雍梁荆豫徐□归文王】

汉广 江汉之域

韩诗汉广悦人也江之漾矣【漾长也 说文作漾】

黄氏曰江水自茂州汶山县至通州海门县入海汉水二源一源出秦州天水县谓之西
汉水至恭州巴中县入江一源出大安军三泉县谓之东汉水至汉阳军入江【水经注
地理郡国志竝言汉有二源东出氏道西出西县东西两川俱出蟠冢而同为汉水
通典秦州上邽县蟠冢山西汉水所出经嘉陵曰嘉陵江经阆中曰阆江汉中金牛县蟠
冢山禹导□水至此为汉水亦曰沔水上邽今废入清水金牛今废入褒城

蔡氏曰东源在今西县之西西源在今三泉县之东】

李氏曰汉水出兴元府西县蟠冢山【水经鲋嵎山】东流至汉阳军大别山南入于江
【水经至江夏沙羨县北南入于江今鄂州江夏县】江水出茂州汶山【岷山又谓之
汶山今汶山县朱氏曰出永康军岷山】

东流至苏州许浦入海【朱氏曰东流与汉水合东北入海

杜氏曰经南郡江夏至广陵入海】大别之东彭蠡之西乃江汉合流之处【作诗者在
江汉合流之处

易氏曰江自归州秭归至鄂州武昌凡一千四百余里汉自均州武当至汉阳军汉阳县
凡一千四百余里皆荆州之地江汉分流於其间至是合流

括地志江水源出岷州南岷山过荆州与汉水合汉水源出梁州金牛县东二十八里蟠
冢山至荆州与大江合为夏水】

夹漈郑氏曰周为河洛召为岐雍河洛之南濒江岐雍之南濒汉江汉之间二南之地诗
之所起在于此屈宋以来骚人辞客多生江汉故仲尼以二南之地为作诗之始

林氏曰江汉在楚地诗之萌芽自楚人□之故云江汉之域诗一变而为楚辞即屈原宋
玉为之唱是文章鼓吹多出于楚也

朱氏曰江汉之俗其女好游汉魏以后犹然如大堤之曲可见也【水经注方山水曲
之隈云汉女昔游处也张衡南都赋游女弄珠于汉皋之曲汉皋即方山之异名在襄阳
县】 孔氏曰江汉之域即荆梁二州 戴氏曰汉广采於江汉而得之

严氏曰江水尤深阔於汉故止言不可泳而江言不可方【尔雅汉南曰荆州江南曰□
州注此盖殷制陈氏曰汝坟是已被文王之化者江汉是闻文王之化而未被其泽者】

汝坟

韩诗汝坟辞家也列女传周南大夫受命平治水土过时不来其妻恐其懈于王事言国
家多难惟勉强之无有谴怒遗父母忧乃作诗

李氏曰汝水周南之水也出汝州鲁山东南【朱氏曰出汝州梁县天息山博物志出燕
泉山 水经注亦出鲁阳县大孟山 地理志出定陵县高陵山

鲁阳今汝州鲁山县定陵今颍昌府舞阳县】至蔡州褒信县入淮【杜氏曰至褒信入
睢 朱氏曰迳蔡颍州入淮地理志至新蔡入淮 说文出卢氏还归山东入淮】

尔雅汝为 郭璞注引诗遵彼汝 大水溢出别为小水之名又曰汝有 疏李巡曰汝
旁有肥美之地【水经注 水亦谓大灇水尔雅汝有 者汝别也】

周礼大司徒注水厓曰坟毛氏曰坟大防也【楚辞哀郢登大坟以远望朱氏曰水中高者曰坟诗汝坟是也】

孔氏曰谓汝水之侧厓岸汝坟之国以汝厓表国所在犹江汉之域非国名也伐薪宜于厓岸大防之上不宜在汝 之间字当从土【地理志汝南郡汝陰县莽曰汝 輿地广记汝陰县唐为颍州】孔氏曰汝汉之滨先被文王之教 戴氏曰汝 采

于汝坟之国而得之【郡国志汝南郡汝陰注地道记有陶丘乡诗所谓汝 王室

朱氏曰王室指纣所都也文王三分天下有其二而率商之叛国以事纣故汝坟之人犹以文王之命供纣之役 段氏曰周民犹知商之为王室文王之心可见矣

召南

释文召地名在岐山之阳扶风雍县南有召亭 朱氏曰召公奭之采邑也水经注雍水东迳邵亭南世谓之树亭川【盖声相近】亭故召公之采邑又京相璠曰亭在周城南五十里 郡国志注雍召穆公采邑【穆公康公之后】

括地志邵亭故城在岐州岐山县西南十里故召公邑【今鳳翔府】

程氏曰召伯为诸 长故诸侯之风主之于召南【陈氏曰自岐以西召公主之故岐西之地为召公专主诸侯之国而为诸侯之风

朱氏曰分岐东西之说无据而召公所分之地愈狭盖仅得陇西天水数郡之地耳恐无此理】

苏氏曰文王治周所以为其国者属之周公所以交于诸侯者属之召公天雅曰昔先王受命有如召公日辟国百里言其治外也 郑氏曰食采于召作上公为二伯

孔氏曰食采文王时为伯武王时【乐记武工分周公左召公右】孟子云文王以百里王则周召之地共方百里而皆名曰周其召是周内之别名【康王之诰大保率西方诸侯】

傅氏曰二南之国始于文王之分岐成于武王之分陝而其诗定于周公之作乐李氏曰江汉汝坟即陝之东也江沱即陝之西也

孔氏曰春秋时周公召公别于东都受采存本周召之名非复岐周之地晋书地道记河东郡垣县有召亭周则未闻今为召州是也【唐地理志绛州垣县武德元年曰邵州今垣曲县】 通典河南府王屋县古召公之邑【今属孟州】

傅氏曰武王分陝之后徙于王屋【郡县志王屋县本周时召武公之采邑今按此春秋时召公之采地】

甘棠 南国

九域志召伯甘棠树在陝州府署西南隅

括地志召伯庙在洛州壽安县西北五里召伯听讼甘棠之下周人思之不伐其树后人懷其德因立庙有棠在九曲城东阜上【今河南府】

说苑 曰召公述职当桑蚕之时不欲变民事故不入邑中舍于甘棠之下而听断焉陝间之人皆得其所是故后世思而歌咏之

曹氏曰系之周公则由雍州以至荆 东南之域也系之召公则由岐山以至梁益西南之域也武王伐纣有庸蜀羌髳微卢彭濮八国之人助其服周之化久矣召伯能以先王所以教者宣明于其国是以见美也

江有汜

尔雅水决复入为汜

朱氏曰今江陵汉阳安复之间盖多有之【楚辞哀郢遵江夏以流亡江大江也夏水也

或以为自江而别以通于汉复入江冬竭夏流故谓之夏其入江处今名夏口即诗所谓江有汜也

洪氏楚辞补注曰水经云夏水出江流于江陵县东南注云江津豫章口东會中夏口是夏水之首江之汜也】说文作

汜

江沱

禹贡荆州梁州皆有沱孔氏曰源梁州入荆州【水经氏道县江水又东别为沱注云开明之所凿也郭景纯谓玉垒作东别之标今茂州汶山县

通典沱水在彭州唐昌县今崇宁县】

蔡氏曰尔雅水自江出为沱南郡枝江县有沱水然其流入江而非出于江也华容县有夏水首出于江尾入于沔亦谓之沱此荆州之沱蜀郡郫县江沱在东西入大江【今成都府郫县】汶江县江沱在西南东入江【今永康军导江县】此梁州之沱

黄氏曰沱自导江县分江东至眉州彭山县入江

李氏曰禹贡岷山导江东别为沱梁州之域也江沱之间即梁州之界乃岐西之地居江沱者以江沱起兴

江有渚

韩诗章句一溢一否曰渚 尔雅小洲曰渚 毛氏曰水歧成渚

驹虞

贾谊新书驹者天子之囿也虞者囿之司兽者也

鲁诗传曰古有梁驹者天子之田也【班固东都赋制同乎梁邹

欧阳氏曰贾谊以驹者文王之囿名国君顺时畋于驹囿之中】

邶【鄘衛】

郑氏谱曰邶鄘衛者商纣畿内方千里之地其封域在禹贡冀州大行之东北逾衡漳东及兖州桑土之野周武王伐纣以其京师封纣子武庚为殷后庶殷顽民被纣化日久未可以建诸侯乃三分其地置三监使管叔蔡叔霍叔尹而教之【黄氏曰管今郑州管城蔡

今蔡州上蔡霍今晋州霍邑】自纣城而北谓之邶南谓之鄘东谓之衛武王既丧管叔及其群弟见周公将摄政乃流言于国曰公将不利于孺子周公避之居东都二年秋大熟未获有雷电疾风之异乃后成王悦而迎之反而遂居摄三监导武庚叛成王既黜殷命杀武庚复伐三监更于此三国建诸侯以殷余民封康叔于衛使为之长【康诰疏曰三年灭三监七年始封康叔书传云四年封】后世子孙稍并彼二国混而名之七世至顷侯当周夷王时衛国政衰变风始作作者各有所伤从其国本而异之为邶鄘衛之诗焉

地理志河内本殷之旧都周既灭殷分其畿内为三国诗风邶庸衛国是也鄘以封纣子武庚庸管叔尹之衛蔡叔尹之以监殷民谓之三监故书序曰武王崩三监畔【孙毓云三监当有霍叔郑义为长】周公诛之尽以其地封弟康叔号曰孟侯以夹辅周室【孔氏曰如志之言则康叔初封即兼彼二国非子孙矣服虔依以为说郑不然者以周之大国不过五百里王畿千里康叔与之同反过周公非其制也】迁邶庸之民于雒邑故邶庸衛三国之诗相与同风邶诗曰在浚之下庸曰在浚之郊邶又曰亦流于淇河水洋洋【颜师古曰今邶诗无此句】庸曰送我淇上在彼中河衛曰瞻彼淇奥河水洋洋故吳公子札聘鲁观周乐闻邶庸衛之歌曰美哉渊乎吾闻康叔之德如是是其衛风乎至十六世懿公无道为狄所灭齐桓公率诸侯伐狄而更封衛于河南曹楚丘是为文公而河

内殷虚更属于晋康叔之风既歇而纣之化犹存故俗刚彊多豪桀侵夺薄恩礼好生分孔氏曰诗人所作自歌土风验其水土之名知其国之所在衛曰送子涉淇至于顿丘顿丘今为郡名在朝歌纣都之东也纣都河北而鄘曰在彼中河鄘境在南明矣都既近西明不分国故以为邶在北三国之境地相连接故邶曰亦流于淇鄘曰送我乎淇之上矣衛曰瞻彼淇奥是以三国皆言淇也顷公之恶邶人刺之则顷公已前已兼邶其鄘或亦然矣周自昭王以后政教陵遲诸侯或强弱相陵故得兼彼二国混一其境同名曰衛也此殷畿千里不必邶鄘之地止建二国也或多建国数渐并于衛

程氏曰诸侯擅相侵伐衛首并邶鄘之地故为变风之首董氏曰邶鄘同姓受封国也商俗靡靡周虽化革其俗其风尚不尽变俗易感而风易变者亡国之余音也风首衛且先邶鄘以著灭也 张氏曰周之兴也商民后革及其衰也衛风先变

薛氏曰邶鄘灭而音存故非衛所能乱

朱氏曰邶鄘不详其始封邶鄘之诗皆主衛事而必存其旧号者岂其声之异欤

补传曰邶古作鄘邶鄘衛皆以水得名邶水在太山之阜瀟水出宜苏山衛水在灵壽【即真定】 郡国志河内郡朝歌北有邶国【通典衛州衛县汉朝歌县

九域志熙寧六年省衛县为镇入黎阳】

周书作雒曰俾康叔字于殷俾中旄父字于东【注东谓衛殷鄘鄘康叔代霍叔中旄代管叔】 欧阳氏曰变风自懿王始作【懿王时齐风始变夷王时衛风始变厉王时陈】

【风始变周召共和唐风始变宣王时秦风始变平王时郑风始变惠王时曹风始变张氏曰诗之变自齐始曷为昉乎此君子之道造端乎夫妇正莫先于二南变莫甚于衛蓋自商民始也 元城刘氏曰以其地本商之畿内故在王黍离上氏族略自纣城而东谓之邶未详张氏曰卫并鄘鄘邶鄘之诗皆衛也晋并魏而魏之诗非晋然其诗亦相附近何也其声类也魏唐皆俭故也郑并郕而郕独远于郑何也其声不类也自桧以下所不足叙也以为是相去也无几尔故季札观乐于鲁歌邶鄘衛则合之歌魏歌唐则别之歌郑歌桧则远之蓋因以为识焉】

城漕

通典滑州白马县衛国漕邑【左传作曹】戴公庐于曹即此孔氏曰漕地在鄘而邶曰土国城漕国人所筑之城也思须与漕衛女所经之邑也

平陈与宋

輿地广记陈国今陈州宛丘【汉陈县】宋国今应天府宋城【汉睢阳县】

朱氏曰平和也合二国之好也旧说以此为春秋隐四年州吁自立之时宋衛陈蔡伐郑之事【服虔曰衛使宋为主使大夫将故序衛于陈蔡下】

寒泉 浚

通典寒泉在濮州濮阳县东南浚城

水经注濮水枝津东迳浚城南而北去濮阳三十五里城侧有寒泉冈即诗爰有寒泉在浚之下世谓之高平渠非也【濮阳今属闲德府】

李氏曰一云浚水出浚仪东经邶地入济【輿地广记开封县有浚沟诗所谓浚郊浚都也祥符县北有浚水故谓浚仪有寒泉阪诗爰有寒泉在浚之下 寰宇记在县西十里按毛氏传浚卫邑干旄云在浚之都下邑曰都当以在濮阳者为正】

泾以渭浊

职方氏雍州川泾浸渭地理志泾水出安定郡泾阳县西开头山【今原州百泉县开苦见反又音牵】东南至京兆阳陵县入渭【今京兆府高陵县】渭水出陇西郡首阳县西南鸟鼠山西北南谷山【渭州渭源县今熙州渭源堡说文出首阳渭首亭南谷

】东至京兆船司空县入河【今华州华陰县】

毛氏曰泾渭相入而清浊异【孔氏曰禹贡泾属渭纳注云泾渭□源皆几二千里然而泾小渭大属于渭而入于河汉沟洫志泾水一石其泥数斗潘岳西征赋清渭浊泾是也朱氏曰泾未属渭之时虽浊而未甚见由二水既合而清浊益分】

郑氏曰泾水以有渭故见渭浊此绝去所经见取以自喻【孔氏曰郑志畧曰卫在东河泾在西河泾不在卫境作诗宜歌上风故言绝去此妇人既绝至泾而自比己志】

黎侯

郑氏曰黎国在衛西今所寓在衛东

孔氏曰杜预云黎侯国上党壶關县有黎亭是在衛之西也【九域志潞州黍侯亭在黎侯岭上】

通典潞州上党县古黎侯国西伯戡黎即此汉为壶關县【又壶關县古黎国地有羊肠坂后魏移壶關县于此】说文□国在上党东北

括地志故黎城黎侯国也在潞州黎城县东北十八里

黄氏曰今潞州上党黎城壶關三县皆古黎国地【林氏曰周人乘黎黎河北之要害也】

列女传黎庄公之夫人及傅母作诗【吕氏春秋武王封帝尧之后于黎城苏氏曰是时卫犹在河北黎卫垠地相接故狄之为患黎卫共被之】

中露 泥中

毛氏曰卫二邑

水经黎阳县注式微黎侯寓于卫是也【黄氏曰黎阳木属衛州今为濬州有黎阳山大伾也

寰宇记始以为黎侯寓衛居之故县得名】跨河东迳黎县故城南注云世谓黎侯城昔黎侯寓于衛诗谓胡为乎泥中毛云邑名疑此城也土地污下城居小阜魏濮阳郡治也【地理志东邵黎县 寰宇记澶州临河县汉为黎县】

中露地未详【郡县志黎丘在郟州郟城县西四十五里黎侯寓于衛因以为名泥中盖恶其卑湿也】

旄丘

尔雅前高曰旄丘 寰宇记在澶州临河县东【九域志开德府有旄丘】

狄人

补传曰衛穆公之时晋灭赤狄潞氏数之以夺黎氏地之罪是诗作于宣公之后穆公之前

孔氏曰狄者北夷之号此诗责衛宣公唯言狄人迫逐不必是赤狄林氏曰史伯曰当成周之北有衛燕翟鲜虞路洛泉徐蒲然则河北自衛之外皆戎狄之国也

许氏曰春秋戎先见荆次之狄次之而荆暴于戎狄又暴于荆使无齐桓攘之岂复有中国哉

衛伯

郑氏曰衛康叔之封爵称侯今曰伯者时为州伯也孔氏曰殷之州长曰伯虞夏及周皆曰牧一州一牧二伯佐之

春秋桓三年齐侯衛侯胥命于蒲陈氏曰诸侯不禀于天子而私相命于是始于是齐僖称小伯黎之臣子亦以方伯责衛宣桓文之事其所由来者渐矣【段氏曰黎之于衛唇齿之邦也黎亡则衛及矣黎既不守衛其免乎其后卒有狄难】

西方之人

毛氏曰西方王室

吕氏曰西方指西周也晋语齐姜氏引西方之书韦昭以为周亦西周也周既东迁而衰每思其全盛之时文献之美也 朱氏曰西方美人托言以指西周之盛王

泉水

吕氏曰泉水即今卫州共城之百泉也淇水出相州林虑县东流泉水自西北来注之故曰亦流于淇而竹竿诗言泉源在左淇水在右者盖主山而言之相卫之山东面故以北为左南为右

水经注即泉源之水也淇水左右盖举水所入为左右【毖彼泉水韩诗作秘说文作聃】

淇

水经淇水出河内隆虑县西大号山【相州林虑】注自元甫城东南迤朝歌县北【竹书纪年晋定公二十八年淇绝于旧卫即此】

地理志出河内共县北山【郡县志出共城县西北沮洳山通典出共山今卫州共城】东至黎阳入河

沟洫志遮害亭西十八里至淇水口【通典淇水至卫州卫县界入河谓之淇水口古朝歌也卫居河淇之间 水经注顿丘县遮害亭】

山海经沮洳之山瀑水出焉南流注于河【注今淇水出隆虑大号山东过河内县南为白沟】

洧 祢

毛氏曰地名 郑氏曰所嫁国适卫之道所经

地理志禹贡导沔水东流为洧【注泉出王屋山名为沔流去乃为洧】东郡临邑有洧庙【注洧亦济水字 通典临邑在济州卢县】 祢韩诗作坭

寰宇记大祢沟在曹州冤句县北七十里【今兴仁府冤亭县九域志诗云饮饯于瀾】朱氏曰皆自卫来时所经之处【苏氏曰书导流水东流为济入于河溢为滎春秋传卫败于滎泽故济水及卫】

干 言

毛氏曰所适国郊也 地理志东郡有干县【曹氏曰即此所谓干】

郡国志东郡卫国有干城【故干县今开德府观城】

隋志九域志邢州内丘县有干言山【李公绪曰柏人县有千山言山柏人邢州尧山县】水经注泚水又东南经干言山 孔氏曰干洧在郊

则言祢盖近在国外卫女所嫁国适卫之道所经见故思之

肥泉

水经注马沟水出朝歌城北又东流与美沟合又东南注淇水为肥泉诗我思肥泉毛云同出异归为肥泉尔雅归异出同曰肥今是水异出同归

思须与漕

水经注濮渠东迤须城北诗思须与漕【地理志东郡须昌县故须句国今东平府须城县】漕即漕邑【括地志白马故城在滑州卫南县西南二十四里戴延之西征记六白马城故卫之漕邑 卫南今属开德府本楚丘之地也】

傅氏曰自须至漕由东而西也

北门

曹氏曰蓋忠臣行役之所由出 毛氏曰北门背明乡陰

新台

说文新台有玼【通典魏州黄县有新台】 水经注鄆城北岸有新台
寰宇记在濮州鄆城县北十七里【輿地广记开德府观城县有新台】

二子乘舟

左传使盗待诸莘

水经注京相璠曰阳平县北十里有莘亭自衛适齐之道县东有二子庙犹谓之孝祠【
今大名府莘县本阳平属东郡郡县志莘亭在县北十三里】

鄆

通典衛州新乡县西南三十二里有鄆城即鄆国【九域志熙寧六年省新乡为镇入汲
鄆城在汲县东北】

补传曰鄆本鄆姓之国汉有庸光及胶东庸生是其后也古或作庸【傅氏曰孟庸当是
鄆国之姓鄆为衛所灭故其后有仕于衛者】

孔氏曰王肃服虔以鄆在纣都之西孙毓云据鄆风定之方中楚丘之歌鄆在纣都之南
明矣沫邦于诸国属鄆酒诰命康叔明大命于妹邦注云纣都所处康叔为其连属之监
是康叔并监鄆也

中河

曹氏曰衛国居河淇之间故擲鄆皆以柏舟□兴齐地西以河为境而衛居河之西欲夺
共姜归齐则当乘舟渡河而去

严氏曰鄆在纣都之南则近河矣言中河以土风所见也

桑中

孔氏曰谱云东及兖州桑土之野今濮水之上地有桑间濮阳在濮水之北是有桑土明
矣郡国志东郡濮阳县有颡帝冢皇览曰冢在城门外广阳里中博物记曰桑中在其中
地里志衛地有桑间濮上之阻男女亟聚會声色生焉故俗称衛之音乐记桑间濮上之
音亡国之音也注桑间在濮阳南【郡县志濮水在曹州南华县南五里】

朱氏曰桑间衛之桑中是也夫子于郑衛深绝其声於乐以为法而严立其辞于诗以为
戒

吕氏曰雅郑不同部其来尚矣寧有编郑衛乐曲于雅音中之理乎桑中溱洧诸篇录之
于经谨世变之始也【杨氏曰此载衛为戎狄所灭之因也】

沫

毛氏曰沫衛邑【郑氏曰衛之都恶衛为淫乱之主】

书明大命于妹邦孔氏注纣所都朝歌以北是也【戴氏曰沫上之邑沈湎惟旧虽以康
叔化之未能尽变也遭宣姜之故风俗益壞】

水经注晋书地道记朝歌城本沫邑武乙始迁居之为殷都【史记武乙徙河北帝王世
纪帝乙复济河北徙朝歌其子纣仍都焉】有新声靡乐【论语比考讖曰邑名朝歌颜
渊不舍七十弟子掩目宰予独顾由蹙堕车】括地志朝歌故城在衛州东北七十三里
衛县西二

十二里【衛县今省为镇属濬州黎阳县】 朱氏曰所谓殷墟

黄氏曰沫水在衛之北 曹氏曰沫即妹土衛都所在自乡而北自北而东言其浸遠也
傅氏曰当是纣城外之地【孔氏曰酒诰注妹邦于诗国属鄆后三分殷畿则纣都属鄆
朝歌即沫也】

上宫

通典衛州衛县有上宫台【朱氏曰桑中上宫淇上又沫乡之中小地名也】

东徙渡河 漕邑

孔氏曰东徙渡河则战在河北禹贡豫州蒙波既猪注云沅水溢出河为泽今塞为平地
茱阳民犹谓其处为茱泽在县东【今郑州茱泽县】春秋衛及狄战茱泽此其地也如
禹贡注当在河南时衛都河北狄来伐而御之既败而渡河杜预云茱泽当在河北但沅
水□源河北入河乃溢为茱则沅水所溢被河南北故河北亦有茱泽但在河南多耳故
指猪水则在豫州此战则在北左传宋桓公逆诸河宵济

水经注白马济津之东南有白马城衛文公东徙渡河都之故济取名焉【通典衛州黎
阳县北岸滑州白马县南岸皆有白马津即酈生云杜白马之津后魏改黎阳津】

孔氏曰衛本河北东徙渡河野处漕邑则在河南

陈氏曰齐桓存三亡国必若救衛庶几于公矣春秋狄入衛不言灭庐于曹不言迁齐侯
使公子无亏戍曹不言救【乐纬稽耀嘉曰狄人与衛战桓公不救于其败也然后救之
】 载驰言至于漕毛氏曰漕衛东邑

楚丘 楚宫 楚室

郑氏曰鲁僖二年齐桓公城楚丘封衛楚宫谓宗庙也楚室居室也君子将营宫室宗庙
为先廡库为次居室为后

郑志张逸问楚宫今何地答曰楚丘在济河间疑在今东郡界

郡县志隋置楚丘县属滑州后改衛南本汉濮阳县地【輿地广记漕楚丘二邑相近今
拱州楚丘非衛之所迁县有景山京冈乃后人附會名之】

通典滑州衛南县衛文公迁楚丘即此城【五代属澶州今为开德府九域志有楚丘城
】 地理志齐桓公更封衛于河南曹楚丘而河内殷虚更属于晋

堂 景山 京

曹氏曰虚漕虚也升虚以望楚丘与堂邑之间有大山及高丘形势之胜可依以立国

毛氏曰楚丘有堂邑【朱氏曰虚故城也堂楚丘之旁邑 傅氏曰堂当是今博州堂邑
博濮二州连境】 商颂陟彼景山 水经注河水分济北迳景山东又北迳楚丘城西
补传曰景山以大而得名商之故都也衛在商畿内升故虚以望知地势之胜【朱氏曰
春秋传言景亳盖商所都之山名衛乃商旧都也】

寰宇记景山在澶州衛南县东南三里【九域志开德府有景山】

毛氏曰京高丘也【吕氏口龟错言占之徙遠方以实广虚也相其陰阳之和尝其水泉
之味审其土地之宜观其艸木之饶然后营邑立城此盖古之遗法定之方中公刘所载
是也】

浚

毛氏曰浚衛邑郊外曰野【尔雅邑外谓之郊】下邑曰都城都城也【浚城见前】

许

春秋谱曰许姜姓与齐同祖尧四岳伯夷之后也周公封其苗裔文叔于许今颍川许昌
是也灵公徙叶悼公迁夷【一名城父】又居析【一名白羽】许男斯处容城自文叔
至庄公十一世始见春秋地理志颍川许县故许国二十四世为楚所灭

括地志故城在许州许昌县南三十里本汉许县

九域志颍昌府许田县【熙宁四年省为镇入长社】

孔氏曰许穆夫人赋载驰而入鄘风者于时国在鄘地【夫人衛女辞为衛□】

阿丘

尔雅偏高曰阿丘【谓丘边高】

衛

地理志河内朝歌县纣所都康叔所封更名衛【通典古殷朝歌城在衛州衛县西宋忠云康叔从康徙卫 括地志故康城在许州阳翟县西北三十五里】

左传祝佗曰分康叔封畛土略自武父以南【卫北界】及圃田之北竟【郑藪】封于殷墟【朝歌也】

朱氏曰衛本都河北朝歌之东【康诰在兹东土】淇水之北百泉之南其后不知何时并得邶鄘之地至懿公为狄所灭戴公野处漕邑文公又徙居楚丘衛故都即今衛县今懷卫澶相滑濮等州开封大名府界皆卫境也【吕氏曰卫自康叔受封至君角凡四十世地理志成公徙于帝丘今濮阳是也秦徙之于野王今懷州始皇既并天下犹独置卫君二世时乃废凡九百年最后绝九域志大名府古观扈国亦商之旧都商城武王伐纣立武庚于此傅氏曰封武庚不于纣都朝歌】

淇奥

大学作澳 释文曰淇衛水 尔雅曰隩隈也

说文隈厓也其内曰澳其外曰隈【袁氏曰淇水之弯曲处】

水经注美沟水东南注淇水博物志谓之奥水流入于淇汉武帝塞决河用淇园之竹寇恂为河内伐竹淇川治矢今通望淇川无复此物唯王 蒿草不异毛兴【晋灼曰淇园卫之苑也其地常多竹】

邢侯

地理志赵国襄国县故邢国

通典邢州治龙冈县【今信德府】祖乙迁于邢即此

括地志邢国故城在邢州外城内西南角十三州志云殷时邢侯国周公子封邢侯都此谭公

春秋谭子注谭国在济南平陵县西南【郡国志东平陵有谭城故谭国】通典齐州全节县春秋时谭国城在县西南【唐元和十五年】

【省入厯城 寰宇记谭城在厯城县东南十里今济南府】

白虎通作覃【孔氏曰谭子爵言公者依臣子之称】

农郊

毛氏曰近郊

河水北流

朱氏曰河在齐西衛东北流入海

董氏曰齐地西至于河衛居河之西则自齐适衛河界其中故曰北流活活【孔氏曰九河故道河间成平以南平原鬲县以北曹氏曰河在齐之西而海在北河由齐而入海则为东北流】

顿丘

尔雅丘一成为敦丘【敦亦顿也】

地理志东郡顿丘县【注以丘名县丘一成为顿丘谓一顿而成或曰一重之丘】

輿地广记顿丘本衛邑在淇水南晋置顿丘郡唐大历七年置澶州晋天福四年以顿丘为德清军熙宁四年省顿丘入澶州清丰县【今开德府】水经注淇水北迤顿丘县城城西【竹书纪年晋定公三十一年城顿丘】

阨邇云顿丘在淇水南又屈迳顿丘西【又东屈而西转迳顿丘北释名谓一顿而成丘无高下小大之杀也诗所谓送子涉淇至于顿丘宿胥故渚受河于顿丘县遮害亭东黎山西北會淇水苏氏曰决宿胥之口魏无虚顿丘即指是渚也】

复關

寰宇记澶州临河县复關城在南黄河北阜也复關堤在南三百步自黎阳下入清丰县界

泉源

朱氏曰泉源即百泉也在衛之西北而东南流入淇故曰在左淇水在衛之西南而东流与泉源合故曰在右水经注泉源水有二源一水出朝歌西北又东与左

水合谓之马沟水又美沟水出朝歌西北大岭下更出迳骆驼谷于中逶迤九十曲故俗有美沟之目历十二崿崿流相承泉响不断

寰宇记澶州顿丘县东北三十五里有泉源祠 九域志大名府莘县有泉源河

河广

孔氏曰此假有渡者之辞文公之时衛已在河南自衛适宋不渡河宋去衛甚遠喻宋近犹喻河狭【曹氏曰自闵二年东徙渡河衛已居河东至僖九年宋襄公丘已十余年矣则自衛至宋不必渡河蓋取河为喻】

自伯之东

孔氏曰蔡人衛人陈人从王伐郑【春秋桓五年】郑在卫之西南而言东者时三国从王伐郑则兵至京师乃东行伐郑也

诗地理攷卷一

钦定四库全书

诗地理攷卷二

宋 王应麟 撰王

郑氏谱曰王者周东都王城畿内方六百里之地其封域在禹贡豫州太华外方之间北得河阳渐冀州之南始武王作邑于镐京谓之宗周是为西都周公摄政五年成王在丰欲宅洛邑使召公先相宅既成谓之王城是为东都今河南是也召公既相宅周公往营成周今洛阳是也成王居洛邑迁殷顽民于成周复还归处西都至于夷厉政教尤衰十一世幽王嬖褒姒生伯服废申后太子宜咎奔申申侯与犬戎攻宗周杀幽王於戏【史记骊山下】晋文侯郑武公迎宜咎于申而立之是为平王以乱故徙居东都王城于是王室之尊与诸侯无异其诗不能复雅故贬之谓之王国之变风

郑志张逸问平王微弱其诗不能复雅厉王流于彘幽王灭於戏在雅何答曰幽厉无道酷虐于民以强暴至于流灭岂如平王微弱政在诸侯威令不加于百姓乎【泰山孙氏曰诗自黍离而降书自文侯之命而绝春秋自隐公而始】

括地志王城一名河南城本郑鄆周公新筑在河南县北九里苑内东北隅自平王以下十二王皆都此城至敬王乃迁都成周【故城在洛阳县东北二十六里周公所筑】赧王又居王城【左传桓七年王迁盟向民于郑襄二十四年齐人城郑郑王城】

朱氏曰王谓周东都洛邑王城【书乃卜涧水东瀍水西惟洛食孔氏曰今河南城也】王室卑与诸侯无异故其诗不为雅而为风然王号未替也故不曰周而曰王其地则今河南府及懷孟等州是也

唐氏曰二南之风也商微而周之兴也王之风也周降而诗之将亡也

吕氏曰成周乃东都总名河南成周之王城也洛阳成周之下都也平王东迁之后所谓西周者丰镐也所谓东周者东都也威烈王之后所谓西周者河南也所谓东周者洛阳也【考王以王城故地封其弟桓公】

补传曰周之始盛也文王位止西伯未尝称王而二南之化被于天下周之既衰也平王以后虽为天子而王风之诗仅同列国此二南与王风名同为风实则不同也风之名既同於列国而加以王之一字所以尊周亦所以愧周与孔子于鲁春秋书王之意一也【服虔云尊之犹称王犹春秋之王人称王而列於诸侯之上

戴氏曰东迁之后降而为风自季札观乐已然非圣人降之也

吴氏曰王谓王城之地王人王号说皆非】

地理志周地今之河南雒阳穀城平陰偃师巩緱氏是其分也昔周公营雒邑以为在于土中诸侯蕃屏四方故立京师至平王东居雒邑其后五伯更帅诸侯以尊王室故周于三代最为长久八百余年襄王以河内赐晋文公又为诸侯所侵故其分坠小【林氏曰季子观乐曰思而不惧其周之东乎思者先王之泽也不惧者先王之教也

夹漈郑氏曰七月者西周之风黍离者东周之风】

宗周

镐京也书多方王来自奄至于宗周周官归于宗周【穆天子传入于宗周】

陈氏曰长安县昆明池北有镐陂 说文镐武王所都在长安西上林苑中

地理志初雒邑与宗周通封畿东西长而南北短短长相覆为千里【颜氏注宗周镐京也方八百里为方百里者六十四雒邑成周也方六百里为方百里者三十六二都得百里者百方千里也故诗曰邦畿千里 韩诗黍离伯封作也】

孔氏曰正月云赫赫宗周谓镐京也后平王居洛邑亦谓洛邑为宗周祭统云即宫于宗周谓洛邑也

吕氏曰王者定都天下之所宗也东迁之后定都于洛则洛亦谓之宗周衛孔悝之鼎铭曰即宫于宗周是时镐已封秦宗周蓋指洛也然则宗周初无定名随王者所都而名耳【张氏曰黍离闵宗周荡伤周室皆甚于刺者也】

申

郑语史伯曰当成周者南有申吕
周语富辰曰齐许申吕由大姜【四国皆姜姓四岳之后】
地理志南阳郡宛县故申伯国【括地志故申城在邓州南阳县北三十里
宋氏曰申姜姓之国平王之母家也在今邓州信阳军之境平王以申国近楚数被侵伐
遣畿内之民戍之孔氏曰宣王时申伯以王舅改封于谢宛县者谓宣王改封之后以前
不知其地 申在陈郑之南后竟为楚所灭
林氏曰周平受国于贼而不能讨故诸侯强而莫能制
吕氏曰平王戍申与晋平公城杞相类】

甫

书吕刑孔氏注吕侯后为甫侯故或称甫刑【唐世系表宣王世改吕为甫朱氏曰甫即
吕也亦姜姓吕刑礼记作甫刑当时盖以巾故而并戎之】
徐广曰吕在宛县【左传楚子重请取扞申吕以为赏田申公巫臣曰不可此申吕所以
邑也是以为赋以御北方若取之是无申吕也晋郑必至于汉史记吕尚先祖为四岳佐
禹治水有功虞夏之际受封扞吕列女传太姜有吕氏之女】
水经注宛西吕城四岳受封于吕【括地志故吕城在邓州南阳县西四十里吕氏春秋
吕在宛县西伯夷主四岳之祀佐禹有功氏曰有吕或为甫郡国志汝南新蔡有大吕亭
故吕侯国輿地广记蔡州新蔡县古吕国今以左传攷之楚有申吕时新蔡属蔡非楚邑
当以在宛县为正】

许【见前】

孔氏曰言甫许者以其俱为姜姓其实不戍甫许也【六国时秦赵同为嬴姓史记汉书
多谓秦为赵亦此类】

留

曹氏曰留本邑名其大夫以为氏

郑

郑氏谱曰初宣王封母弟友于宗周畿内咸林之地是为郑桓公今京兆郑县是其都也
又为幽王大司徒甚得周众与东土之人问扞史伯曰王室多故余惧及焉其何所可以
逃死史伯曰其济洛河颍之间乎是其子男之国虢郟为大虢叔恃势郟仲恃险皆有骄
侈怠慢之心加以贪冒君若以周难之故寄孥与贿不敢不许是骄而贪必将背君君以
成周之众奉辞罪无不克矣若克二邑鄆蔽补丹依畴历华【孔氏曰八国皆在泗水
之间韦昭曰八邑】君之土也修典刑以守之惟是可以少固桓公悦其言从之后三年
幽王为犬戎所杀桓公死之其子武公与晋文侯定平王于东都王城卒取史伯所云十
邑之地右洛左济前茅后河食溱洧焉今河南新郑是也【郑□墨守云武公迁居东周
畿内】武公又作卿士国人宜之郑之变风又作地理志郑国今河南之新郑本高辛氏
火正祝融之

虚也及成皋蒙阳颍川之崇高阳城皆郑分也土陜而险山居谷汲男女亟聚會故其俗
淫郑诗曰出其东门有女如云又曰溱与洧方灌灌兮士与女方秉菅兮恂盱且乐惟士
与女伊其相谑此其风也吳札闻郑之歌曰美哉其细已甚民弗堪也是其先亡乎自武
公后二十三世为韩所灭 通鉴外纪宣王二十二年封季弟友于郑都咸林
括地志郑故城在华州郑县西北三里桓公友之邑秦县之【武公十一年初县郑】
朱氏曰新郑今之郑州

水经注竹书纪年晋文侯二年王子多父伐郟克之乃居郑父之丘名之曰郑是为桓公帝王世纪云或言县故有熊氏之墟黄帝所都也【孔氏曰郑世家虢郟果献十邑竟国之则桓公自取十邑见史伯为桓公谋故傅會为此说服虔云郑东郑古郟国之地是郑虽取其地不居其都僖三十三年左传称文夫人葬公子瑕於郟城之下服虔云郟故郟国之墟杜预云郟国在荥阳密县东北新郑在荥阳宛陵县西南是郑非郟都故别有郟城也】

郡县志郑州新郑县郑武公之国都【韩灭郑自平阳徙都之战国策韩之取郑从成皋始

林氏曰春秋战争之多者莫如郑战国战争之多者莫如韩秦汉之间天下有变必於荥阳成皋之间决胜负】

朱氏曰郑声之淫有甚于衛故夫子论为邦独以郑声为戒而不及衛【周礼疏曰郑诗说妇人者九篇】

吴氏曰齐诗刺哀襄而季札观乐乃曰泱泱乎大风也哉郑美武公父子而札乃曰其细已甚曰大曰细自其土地风气之□于音声者言之而非系乎辞也班孟坚曰民性刚柔缓急音声不同系水土之风气故刘梦得论八音与政通以三光五岳之气为言固有见于此

祭仲

括地志故祭城在郑州管城县东北十五里郑大夫祭仲邑【水经注长垣县有祭城祭仲之邑 长垣今属开封府】

京

括地志京县故城在郑州荥阳县东南二十里郑之京邑【穀梁传襄十一年同盟于京城北 地理志河南郡京县即共叔段所居

曹氏曰荥阳故东虢国也有京水索水楚汉战于京索之间即其地也京邑在荥阳县东敖仓鸿沟在县西官渡在中牟皆古战争處

左传郑京栎实杀曼伯注云厉公得栎又并京 郡县志京水出荥阳县南平地

楚语范无宇曰国为大城未有利者叔段以京患庄公郑几不封】

清 彭 消 轴 河上

郡国志河南中牟县有清口水

水经注清池水出清阳亭西南平地东北流迳清阳亭南东流即故清人城也诗清人在彭彭为高克邑杜预春秋释地云中牟县西有清阳亭是也清水又屈而北流至清口泽

【中牟今属开封府】 郑氏曰清者高克所帅众之邑

毛氏曰彭衛之河上郑之郊也消轴河上地

孔氏曰御狄於境在郑衛境上翱翔河上是营军近河而衛境亦至河南【彭消轴皆河上之地蓋久不得归师有迁移三地亦不相遠】

溱 洧

陈氏曰郑国在溱洧二水之间

说文引诗溱与洧溱水出郑国【溱水出桂阳临武入汇当以溱为正】洧水出颍川阳城山东南入颍【阳城省入河南府登封县】

郡县志溱水源出郑州新郑县西北三十里平地洧水县西北二十里

水经洧水出河南密县西南马领山【密县今属郑州地理志出阳城县阳城山】又东过新郑县南溱水从西北来注之【注洧水东迳新郑故城中襄元年晋伐郑败其徒兵于洧上又东为洧渊水龙鬪於时门之外洧渊则此潭也洧水又东与黄水合经谓溱水

非也】又东过习阳城西折入于颍【地理志洧水东南至长平入颍长平省入陈州西华县】 郑语主芣騶而食溱洧【地理志密县有大騶山】

韩诗溱与洧方洹洹兮传云三月桃花水下之时执兰拂除辟君注郑国之俗三月上巳之溱洧两水之上乘兰草祓除不祥【十道志曰郑俗以三月合於溱洧之上以自祓除括地志洧水在新郑县北三里古新郑城南与溱水合】

孟氏曰子产以其乘輿济人于溱洧

东门

左传隱四年宋陈蔡衛伐郑围其东门【朱氏曰城东门也】

学校

曹氏曰校本夏之学名郑亦以名学故郑人游乡校以议执政

齐

郑氏谱曰齐者古少皞之世爽鳩氏【司寇也】之墟周武王伐纣封太师吕望于齐是谓齐太公地方百里都营丘周公致太平敷定九畿复夏禹之旧制成王用周公之法制广大邦国之境而齐受上公之地更方五百里其封域东至于海西至于河南至於穆陵【沂州沂水县北有穆陵山】北至于无棣【沧州无棣县南无棣沟】在禹贡青州岱山之陰淄淄之野其子丁公嗣位于王官后五世哀公政衰荒淫怠慢纪侯譖之于周懿王使烹焉齐之变风始作

地理志齐诗曰子之营兮遭我虘虘之间兮又曰蒺我于著乎而此亦其舒缓之体也吳札闻齐之歌曰泱泱乎大风也哉表东海者其太公乎国未可量也古有分土无分民太公以齐地负海舄鹵少五穀而人民寡迺劝以女功之业通鱼盐之利而人物辐凑后十四世桓公用管仲设轻重以富国合诸侯成伯功身在陪臣而取三归故其俗弥侈其后二十九世为彊臣田和所灭临淄海岱之间一都會也其中具五民云

太史公曰吾适齐自泰山属之琅邪北被于海膏壤二千里其民阔达多匿知其天性也太公之圣建国本桓公之盛修善政以为诸侯會盟称伯不亦宜乎洋洋哉固大国之风也朱氏曰今青齐淄濰德棣等州是其地也【世家云胡公徙都薄】

【姑献公徙治临淄括地志青州博昌县东北六十里薄姑城天齐池在青州临淄县东南十五里封禅书云齐所以为齐者以天齐】

地理志成王灭蒲姑以封师尚父【注武王封太公於齐初未得爽鳩之地成王以益之也】

左传晏子曰昔爽鳩氏始居此地季荊因之有逢伯陵因之薄姑氏因之而后太公因之水经注薄姑故城在临菑县西北五十里近济水【齐郡临淄县师尚父所封【即营丘也今青州西北四十里 乐记齐者三代之遗声也齐人识之故谓之齐】

营

地理志临淄名营丘齐诗曰子之营兮注毛诗作还齐诗作营【水经注临淄城中有丘淄水出其前经其左故有营丘之名孔氏曰水所营绕释丘云水出其左营丘今齐之营丘淄水过其南乃东以丘临水谓之临淄与营丘一地】

括地志营丘在临淄北百步外城中

尔雅齐曰营州疏博物志云营与青同海东有青丘齐有营丘【曹氏曰说者以茂也吕也皆地名】

猫

地理志作嶷注山名字或作猛亦作巛【乃高反
水经注作猛】相逢于嶷山也【董氏曰皆山名在齐之郊 说文猛山在齐
集注本作嶷】

著

地理志埃我于著乎而注著地名济南郡著县 水经漯水东北迳著县故城南
南山

朱氏曰齐南山也

鲁道

水经注汶水南迳巨平县故城东【巨平省入兖州博城今集庆府奉符县】西南流城
东有鲁道诗所谓鲁道有荡今汶上夹水有文姜台汶水西南流诗云汶水滔滔

汶水

淮南墜形训汶出弗其流合于济【注弗其山在北海朱】

【虚县东 禹贡浮于汶达于洸】

曹氏曰汶水许氏以为出琅邪朱虚县东泰山【括地志朱虚故城在青州临朐县东】
东至安丘入淮【今密州安丘县】桑钦以为出泰山莱芜县原山【郡县志兖州干封
县东北括地志淄州淄川县东南七十里原山】西南入济【蔡氏曰在今郓州中都县
括地志东至青州博昌】班孟坚两存其说闵子骞曰吾必在汶上矣说者主桑钦义以
为汶在齐南鲁北在汶上者欲北如齐也【董氏曰出莱芜者今须城之汶是也出朱虚
者今淮之东南有大汶小汶是也】

郡县志汶阳城在兖州龚丘县东北五十四里汶阳之田谓此

孔氏曰汶水之北尚是鲁地【曾氏曰汶水有二出莱芜县原山入济者徐州之汶也出
朱虚泰山北又东北入淮者青州之汶也【朱氏曰在齐南鲁北二国之境】

魏

郑氏谱曰魏者虞舜夏禹所都之地在禹贡冀州雷首之北析城之西周以封同姓焉其
封城南枕河曲北涉汾水昔舜耕于历山陶于河滨禹菲饮食而致孝乎鬼神恶衣服而
致美乎黻冕卑宫室而尽力乎沟洫此一帝一王俭约之化于时犹存【孔氏曰舜都蒲
坂禹都平阳或安邑魏皆近之】及今魏君嗇且褊急不务广修德于民教以义方其与
秦晋邻国日见侵削国人忧之当周平桓之世魏之变风始作【孔氏曰西接於秦北邻
於晋桓四年秦师围魏终为晋所灭】

地理志曰魏国亦姬姓也在晋之南河曲【服虔曰魏在晋之蒲坂】故诗曰彼汾一曲
寘诸河之侧吴札闻魏之歌曰美哉汾乎以德辅此则明主也【晋献公灭魏】河东
郡河北县诗魏国【郡县志魏城在陝州芮城县北五里

輿地广记河中府永乐县古魏国汉为河北县唐分芮城置永乐】

苏氏曰魏地入晋久矣其诗疑皆为晋而作故列于唐风之前犹邶之於衛也【朱氏
曰公行公路公族皆晋官疑实晋诗 恐魏亦嘗有此官魏分河中府解州即其地
郡县志河中府春秋时为魏地】

汾沮洳

地理志汾水出太原郡汾阳县北山【水经出汾县北管涔山
括地志出岚州静乐县北管涔山今属宪州 山海经管涔之山汾水出焉
说文出晋阳山】西南至汾陰入河【今河中府荣河县
郡县志汾水北去宝鼎县二十五里】 苏氏曰汾水出于晋其流及魏

朱氏曰沮洳水浸处下泾之地一曲谓水曲流处【山海经沮洳之山郭氏注引诗彼汾沮洳】 水经汾水西至汾陰县北西入于河【入河之处即魏之旧国】
十亩之间

水经注故魏国城南西二面竝去大河可二十余里北去首山十余里处河山之间土地迫隘故魏风著十畝之诗 朱氏曰十亩之间郊外所受塲圃之地十亩之外邻圃也
河之干

水经河水东过河北县南又东永乐涧水注之【注云水北出于薄山南流迳河北县故城西故魏国也永栾溪水又南入于河晋献公灭魏后乃县之在河之北故曰河北县薄山即襄山在潼辟北十余里 郡县志河水经永乐县南二里董氏曰河浊而在岸之干之侧之漚者】
【清也】

唐

郑氏谱曰唐者帝尧旧都之地今曰太原晋阳是尧始居此后乃迁河东平阳成王封母弟叔虞于尧之故墟曰唐侯南有晋水至子燮改为晋侯其封域在禹贡冀州太行恒山之西太原太岳之野至曾孙成侯南徙居曲沃近平阳焉昔尧之末洪水九年下民其咨万国不粒于时杀礼以救艱厄其流乃被于今当周公召公共和之时成侯曾孙僖侯甚嗇爱物俭不中礼国人闵之唐之变风始作其孙穆侯又徙于绛云

地理志河东土地平易有盐铁之饶本唐尧所居诗风唐魏之国也其民有先王遗教君子深思小人俭陋故唐诗蟋蟀山枢葛生之篇曰我不乐日月其迈宛其死矣它人是媮百歲之后归于其居皆思奢俭之中念死生之虑呉札闻唐之歌曰思深哉其有陶唐氏之遗民乎文公后十六世为韩魏赵所灭三家皆自立为诸侯是为三晋太原郡晋阳县故诗唐国龙山在西北晋水所出东入汾【臣瓚曰唐今河东永安是也去晋四百里又云尧居唐东于彘十里顺帝改彘曰永安则瓚以唐国为永安

皇甫谧云尧始封於唐今中山唐县是也后徙晋阳及为天子都平阳於诗为唐国则唐国为平阳此二说诗之唐国不在晋阳 颜师古以瓚说为是

曹氏曰意唐叔受封之始实在永安至子燮徙居晋水之阳后人遂以晋阳为唐之故国坎】 左传唐叔命以唐诰而封于夏虚【注大夏今晋阳晋世家唐在河汾之东方百里

孔氏曰禹都平阳或於安邑或於晋阳夏都亦在晋境故云夏墟

括地志故唐城在绛州翼城县西二十里即尧裔子所封】

朱氏曰唐叔所封在今太原府【吕氏曰晋阳汉太原郡所治隋以古晋阳为太原县太平兴国四年徙州治阳曲而空其故城世本云居鄂括地志故鄂城在慈州昌寧县二里】 水经汾水过晋阳县东晋水从县南东流注之【晋水出县西悬瓮山】

括地志故唐城在并州晋阳县北二里【尧筑也国都城记燮父徙居晋水傍唐城即燮父初徙之处】

诸侯谱云晋穆侯迁都于绛孝侯改绛为翼【故翼城一名故绛在绛州翼城县东南十五里 左传注翼晋旧都在绛邑县东】

献公又命曰绛景公迁新田【今绛州绛县】

晋语景霍以为城汾河涑浹以为渊戎狄之民实环之【朱氏曰其诗不谓之晋而谓之唐盖仍其始封之旧号

补传曰魏舜禹之故都晋尧之故都在雍冀之间三圣人皆有俭德遗风百世未泯】

沃 鹄

毛氏曰沃曲沃【孔氏曰在河东闻喜县闻喜今属解州成侯徙居曲沃则为晋都至昭公分曲沃封桓叔则昭公已前已徙绛矣然则穆侯以后晋常鄙绛序言沃则既封之后谓之沃国】鹄曲沃邑【孔氏曰其都在曲沃其傍更有邑】

水经注左邑故城故曲沃【传曰下国即新城也汉武以为闻喜县】

涑水自城西注水流急濬故诗人以为激□之水

曹氏曰自桓叔初封曲沃至武公灭晋凡六十七岁【竹书纪年庄伯十二年翼侯焚曲沃之禾林氏曰曲沃之民知有曲沃不知有宗国】

首阳

朱氏曰首山之南也

孔氏曰首阳之山河东蒲坂县南马融曰华山之北河曲之中【左传赵宣子田于首山晋志蒲坂有雷首山夷齐居其阳蒲坂舜都也

石曼卿诗云耻生汤武干戈日宁死唐虞揖逊区】

水经注雷首山【一名中条山】临大河北去蒲坂三十里【郡县志在河中府河东县南十五里】輿地广记在永寿县北三十里【山南曰首阳

河东县本汉蒲坂县地伯】

【夷墓在县南三十五里雷首山南】

秦

郑氏谱曰秦者陇西谷名于禹贡近雍州鸟鼠之山尧时有伯翳者【伯益】实皋陶之子佐禹治水【列女传皋子生五岁而佐禹中□苗兴云皋陶之苗为秦】水土既平舜命作虞官掌上下草木鸟兽赐姓曰嬴历夏商兴衰亦世有人焉周孝王使其末孙非子养马于汧渭之间孝王为伯翳能知禽兽之言子孙不绝故封非子为附庸邑之于秦谷至曾孙秦仲宣王又命作大夫始有车马礼乐侍御之好国人美之秦之变风始作【郑语史伯曰秦仲嬴之俊也其将兴乎】秦仲之孙襄公平王之初兴兵讨西戎以救周平王东迁王城乃以岐丰之地赐之始列为诸侯遂横有周西都宗周畿内八百里之地其封域东至迤山【孔氏迤谓靡迤禹贡无迤山】在荆岐终南惇物之野至□孙德公又徙于雍云【地理志扶风雍县】地理志非子邑于秦今陇西秦亭秦谷是也

括地志秦州清水县本名秦十三州志云秦亭秦谷【通典秦州古西戎之地秦始封之邑輿地广记秦州陇城县有秦谷史记莊公伐西戎破之周宣王予大骆犬丘为西垂大夫括地志秦州上邽县西南九十里是也世纪襄公徙汧故城在陇州汧源县南三里文公还居非子旧墟犬丘在汧渭之间即槐里是也在京兆府兴平县东南十里寧公徙平阳故城在鳳翔府岐山县西四十六里有平阳聚德公居雍故城在鳳翔府天兴县南七里献公徙栎阳在京兆府栎阳县东北孝公徙咸阳故城在咸阳县东十五里

水经注秦川有故亭秦仲所封】

孔氏曰德公之后常居雍季札见歌秦曰此之谓夏声服虔云与诸夏同风杜预云秦本在西戎汧陇之西秦仲始有车马礼乐去戎狄之音而有诸夏之声

地理志天水陇西山多林木民以板为室屋及安定北地上郡西河皆迫近戎狄修习战备高上气力以射猎为先故秦诗曰在其板屋又曰王于兴师修我甲兵与子偕行及车辚四载小戎之篇皆言车马田狩之事汉兴六郡良家子选给羽林期门以材力为官名将多出焉【穆公称伯以河为竟注地界东至於河】

朱氏曰秦人之俗大抵尚气槩先勇力忘生轻死故其见于诗如此然本其初而论之岐丰之地文王用之以兴二南之化如彼其忠且厚也秦人用之未几而一变其俗至于如

此则已悍然有招八州而朝同列之气矣何哉雍州土厚水深其民重厚质直无郑卫骄堕浮靡之习以善导之则易以兴起而笃于仁义以猛驱之则其强毅果敢之资亦足以强兵力农而成富强之业非山东诸国所及也【晁氏曰晋之俭秦之好车马郑卫之音宛丘之婆娑以诗所记行四方察其风俗无不近者当其一时上之所为岂自知能入人如此之深耶其渐摩使然

李氏曰郑风都曼齐风阐缓秦风廉劲亦由风声气俗使然】

阪有漆

曹氏曰说文阪山胁也地理志陇西有陇坻在其西注陇阪也即今陇山三秦记其阪九回欲上者七日乃越高处东望秦川然则阪固秦地之所有也【通典秦州有大阪名曰陇坻亦曰陇山】

西戎

朱氏曰西戎者秦之臣子所不与共戴天之讎也襄公承天子之命以报君父之仇所以能用其人而秦人所以乐为之用也温其在邑西鄙之邑也【史记襄公十二年伐戎而至岐卒】

后汉西羌□秦襄公攻戎救周及平王之末戎逼诸夏自陇山以东及乎伊洛往往有戎于是渭首有狄獠【音丸】邽冀之戎泾北有义渠之戎洛川有大荔之戎渭南有骊戎伊洛间有杨拒泉皋之戎颍首以西有蛮氏之戎【穆公得戎人由余遂霸西戎开地千里

史记匈奴传自陇以西有緄诸緄戎翟獠之戎岐梁山泾漆之北有义渠大荔乌氏胸衍之戎】

汉匈奴传秦襄公伐戎至□始列为诸侯【张氏曰车邻驷驎小戎诸诗武事备矣盖其地与戎错而秦仲以来武事最胜故能使泰伯有天下者是诗也而使之不二世而失国者亦是诗也夫其严急之风与三代之温柔敦厚抑何远哉】

取周地

欧阳氏曰按史记平王封襄公为诸侯赐以岐西之地子文公立十六年以兵伐戎戎败走遂收周余民有之地至岐盖自戎侵夺岐丰周遂东迁虽以岐丰赐秦使自攻取而终襄公之世不能取之但尝一以兵至岐至文公始逐戎而取之

孔氏曰襄公救周即得之本纪之言不可信

吕氏曰苏氏谓周之失计未有如东迁之谬使平王定不迁之计收丰镐之遗民以形势临诸侯齐晋虽大未敢贰也此论失于考之不精岐丰之地自犬戎盘据旧都非周所有故平王遂以赐襄公使之自取其势非可以不迁也

终南

郡县志终南山在京兆府万年县南五十里一名太一亦名终南【又在鳳翔府郿县南三十里】张衡西京赋终南太一隆崛崔嵬潘岳西征赋云九峻巖嶭太一龍嵒面终南而背云阳跨平原而连嶓冢然则终南太一非一山也毕原在县西南二十八里诗注云毕【周公葬于毕是也】终南之道名也【左传中南九州之险也杜氏注在武功县南今郿县通典长安县有终南山地理志在武功县东括地志一名南山

柳子曰惟终南据天之中在都之南西至于褒斜又西至于陇首以临于戎东至于商颜又东至于太华以距于關寔能作固以屏王室其物产之厚器用之出则璆琳琅玕夏书

载焉纪堂条梅秦风咏焉毛氏曰终南周之南山中南也
李善曰终南南山之总名太一一山之别号 孔氏曰本纪云赐襄公岐】

【以西之地文公收周余民有之地至岐岐以东献之周则襄公所得自岐以西如郑谱则是全得西畿案终南山在岐之东南大夫之戒襄公引终南为喻则襄公亦得岐东非唯自岐以西也地理志秦地濒南山近夏阳多阻险轻薄
李氏曰终南西距鳳翔武功北距万年长安】 毛氏曰纪基也堂毕道平如堂也
郑氏曰毕也堂也亦高大之山所宜有也毕终南之道名边如堂之墙
孔氏曰释丘云毕堂墙【郭璞云今终南山道名毕
曹氏曰纪崔灵恩集注作岷曰终南之旁有岷山字当作岷
尔雅说文皆以山如堂者曰密谓形如堂室也此言终南形势之壮朱氏曰纪山之廉角堂山之宽平处寰宇记堂即毕原也】

三良

括地志秦穆公冢在岐州雍县东南二里三良冢在雍县一里故城内【今鳳翔府天兴县 东坡苏氏秦穆公墓诗橐泉在城东墓在城西无百步】

渭阳

郑氏曰秦是时都雍至渭阳者盖东行送舅氏于咸阳之地
孔氏曰雍在渭南水北曰阳晋在秦东行必渡渭地理志在扶风渭城县故咸阳也其地在渭水之北曹氏曰渡渭而送之至于渭北言其远也 水经渭

水迳长安城北注即咸阳也【郡县志京兆府咸阳县本秦旧县渭水南去县三里秦咸阳在今县东二十二里】

陈

郑氏谱曰陈者大皞虞戏氏之墟帝舜之胄有虞阏父者为周武王陶正武王賴其利器用与其神明之后封其子妘满于陈都宛丘之侧是曰陈胡公以备三恪【说文作窞】妻以元女大姬其封域在禹贡豫州之东其地广平无名山大泽西望外方东不及明【音孟】猪【书盟猪尔雅孟诸】大姬无子好巫覡祷祈鬼神歌舞之乐民俗化而为之五世至幽公当厉王时政衰大夫淫荒所为无度国人伤而刺之陈之变风作矣地理志大姬妇人尊贵好祭祀用史巫故其俗巫鬼陈诗曰坎其击鼓宛丘之下亡冬亡夏值其鹭羽又曰东门之粉宛丘之栩子仲之子婆娑其下此其风也吴札闻陈之歌曰国亡主其能久乎自胡公后二十三世为楚所灭 通典陈州宛丘县陈都【今淮寧府九域志城陈胡公所筑】

唐氏曰陈灵公弑而楚子入陈则王迹熄矣诗之所以亡也【欧阳氏曰陈最后至顷王时犹有灵公之诗霸者兴变风息焉王道废诗不作焉】

宛丘

水经注宛丘在陈城南道东【王隐曰渐欲平今不知所在矣】
尔雅陈有宛丘注今在陈郡陈县
郡县志宛丘在陈州宛丘县南三里【括地志县在陈城中古陈国】
毛氏曰四方高中央下曰宛丘
輿地广记尔雅丘上有丘曰宛丘今其地形则然【今陈州城在古陈城内西北隅陈都在宛丘之侧】

孔氏曰释丘云宛中宛丘言中央宛宛然是为四方高中央下郭璞谓中央隆峻状如一丘与毛传正反【尔雅天下有名丘五其三在河南其二在河北】

东门之粉

毛氏曰东门宛丘国之交會 戴氏曰陈诗多言东门必陈人游息之地
南方之原范氏曰择高明之地而荒乐焉

东门之池

郡县志东门池在陈州城东门内道南 毛氏曰池城池也
水经注陈城故陈国也东门内有池池水东西七十步南北八十许步水至清洁而不耗竭不生鱼草水中有故台处诗所谓东门之池也

墓门

楚辞天问何繁鸟萃棘负子肆情王逸注云解居父聘吴过陈之墓门见妇人负其子欲与之淫泆妇人引诗刺之曰墓门有棘有鴝萃止

列女传陈辩女陈国采桑之女也为歌曰墓门有棘墓门有楛 毛氏曰墓道之门

防 邛

郡国志陈国陈县【今宛丘县】注博物记曰邛地在县北防亭在焉【毛氏曰防邑也邛丘也】

株林

毛氏曰夏氏邑 孔氏曰邑在国外
郡国志陈县注陈有株邑盖朱襄之邑【寰宇记陈州南顿县西南三十里有夏亭城北五里有株林郡县志宋州柘城县本陈之株邑诗株林是也故柘城在寧陵县南七十里陈之株邑 柘城寧陵今属拱】

【州】

桧

左传国语作郟 地理志作會
郑氏谱曰桧者古高辛氏火正祝融之墟国在禹贡豫州外方之北蒙波之南居溱洧之间祝融氏名黎其后八姓【己董彭秃妘曹斟芊】唯妘姓桧者处其地焉【孔氏曰桧祝融之后复居祝融之墟】周夷王厉王之时桧公不务正事而好絮衣服大夫去之于是桧之变风始作其国北邻于虢【谓东虢】

郑语妘姓郟【注陆终第四子求言为妘姓封於郟郟今新郑也

史记陆终生子六人四曰郟人 世本曰陆终生六子四曰郟人

宋忠云郟国名妘姓所出 周语郟之亡由叔妘】

郡县志郟城在郑州新郑县东北三十二里【括地志云二十二里

史记注徐广曰郟在密县 汉属河南郡唐属郑州后属河南府今属郑州

水经注洧水又东南迳郟城南注刘禎云北邻於虢】

孔氏曰郑谱以郑因虢桧之城而国之先谱桧事然后谱郑桧曹国小而君奢民劳而政僻季札之所不讥风次于未宜哉 苏氏曰桧诗皆为郑作如邶鄘之于衛也

通典河南府密县古郟国有洧水郟水【杜预云郟城在蒙阳密县东北】郑州新郑县有溱洧二水本郟国之地【密新郑连境】

水经注竹书纪年晋文侯二年同王子多父伐郟克之乃居郑父之丘名之曰郑是曰桓公 徐广曰郟在密县不得在外方之北也【左传郟城注在密县东北】

西归

郑氏曰桧在周之东故言西归【孔氏曰桧在蒙阳周都丰镐周在於西故言西】

曹

郑氏谱曰曹者禹贡兖州陶丘之北地名周武王既定天下封弟叔振铎于曹今曰济陰定陶是也其封域在雷夏菏泽之野昔帝尧尝游成阳死而葬焉舜渔于雷泽民俗始化其遗风重厚多君子务稼穡薄衣食以致畜积夹于鲁衛之间又寡于患难末时富而无教乃更骄侈十一世当周惠王时政衰昭公好奢而任小人曹之变风始作

輿地广记广济军定陶县故三媵国周封曹叔振铎于此【陶丘在西南菏泽在东北】郡县志古曹州济陰县东北四十七里自曹叔至伯阳凡十八叶【今兴仁府济陰县本汉定陶县地唐为曹州省定陶入焉】

孔氏曰曹都虽在济陰其地则逾济北【僖三十一年取济西田传曰分曹地也曹在汶南济东据鲁而言是济西鲁在其东南衛在其西北地理志济陰郡成阳有尧冢灵台昔尧作游成阳今濮州雷泽县】陈氏曰桧亡东

周之始也曹亡春秋之终也夫子之删诗系曹桧于国风之后于桧之卒篇曰思周道也伤天下之无王也于曹之卒篇曰思治也伤天下之无伯也

程氏曰桧曹惧于危亡而思周道故为乱之终【曹氏曰乱极则思治变极则反正故以豳风继之】

南山

毛氏曰曹南山也

郡县志曹南山在曹州济陰县东二十里诗南山朝是也【寰宇记在县东南】

春秋盟于曹南【括地志有曹南因名曹】

周京【京周】 京师

公刘京师之野朱氏曰京师高丘而众居之也

董氏曰所谓京师者始于此其后世因以所都曰京师曰嫔于京依其在京则岐周之京也王配于京则镐京也春秋所书京师则洛邑也皆仍其本号而称之犹晋之言新绛故绛也洛邑谓之洛师正京师之意【吕氏曰下泉作於齐桓之后

李氏曰周京者周室所居之京师也京周者京师所治之周室也】

郇伯

左传郇文之昭也毛氏曰郇伯郇侯郑氏曰文王之子为州伯

春秋释地曰解县西北有郇城【左传盟于郇说文團在晋地】

服虔曰郇国在解县东郇瑕氏之墟也

水经注涑水西迳郇城郇伯故国也今解故城东北二十四里有故城在猗氏故城西北俗名为郇城輿地广记河中府猗氏县有郇城文王子所封诗郇伯

括地志城在县西南四里【郡县志故郇邑】

豳

郑氏谱曰豳者后稷之曾孙曰公刘者自郤而出所徙戎狄之地名今属右扶风枸邑公刘以夏后大康时失其官守窜于此地犹修后稷之业勤恤爱民咸归之而国成焉其封域在禹贡雍州岐山之北原隰之野至商之末世大王又避戎狄之难而入处于岐阳民又归之公刘之出大王之入虽有其异由有事难之故皆能守后稷之教不失其德成王之时周公避流言之难出居东都二年思公刘大王居豳之职忧念民事至苦之功以比序已志后成王迎而反之摄政致太平其出入也一德不回纯似于公刘大王之所为大师大述其志主意于豳公之事故别其诗以为豳国变风焉

朱氏曰虞夏之际弃为后稷而封于郤及夏之衰弃稷不务弃子不窋失其官守而自窜

于戎狄之间不窞生鞠陶鞠陶生公刘能复修后稷之业民以富实乃相土地之宜而立国于豳之谷焉十世而太王徙居岐山之阳十二世而文王始受天命十三世而武王遂为天子武王崩成王立年幼不能莅阼周公旦以冢宰摄政乃述后稷公刘之化作诗一篇以戒成王谓之豳风而后人又取周公所作及凡为周公而作之诗以附焉豳在今邠州三水县邠在今京兆府武功县【郡县志邠州城即公刘邑地后魏为邠州改为豳后改为邠州】

周语夏之衰不窞窞戎狄之间【韦昭云豳西近戎北近狄孔氏曰不窞己窞豳地定国於豳自公刘始也 郡县志庆州治东南三里有不窞故城】 地理

志昔后稷封豳公刘处豳太王徙□文王作鄴武王治镐其民有先王遗风好稼穡务本业故豳诗言农桑衣食之本甚备右扶风栒邑县有豳乡诗豳国公刘所都【徐广曰漆县东北有豳亭】

通典曰邠州古豳国【西魏置豳州元十三年改为邠】郡县志古豳城在豳州三水县西三十里公刘始都

之处【栒邑故城在县东二十五里 括地志县西十里有豳原豳城在原上 史记正义武王登邠之阜以望商邑盖登此城】

孔氏曰郑谱王在豳后【公刘为狄迫逐面徙居诗度其夕阳豳居允荒本纪公刘在戎狄间杜预云豳在新平漆县东北邠始平武功县所治豳城邠近而豳远公刘初居豳太王终去豳俱是先公之後 括地志邠州新平县即汉漆县诗豳国】

郑志张逸问豳七月專咏周公之德宜在雅今在风何答曰以周公事专为一国上冠先公之业所以在风下次于雅前

曹氏曰不窞之居于豳未能国也至其孙公刘始立国焉后稷开国在邠豳虽非后稷之旧而豳公所修者实后稷之业故并以后稷系之豳其后自豳而岐自岐而程自程而丰自丰而镐积累增修而后王业成焉

吴氏曰风有周召王豳地则皆周地诗则皆周诗如邶鄘衛之为三魏唐之为二其诗所从得之地不同其发于声者不一故本其地而系之也【张氏曰黍离出於洛阳者也七月出於豳者也】 欧阳氏曰周南召南邶鄘衛王郑齐豳秦魏唐陈邠曹此孔子未删之前周大师乐歌之次第也【季札观乐於鲁次第如此】 周召邶鄘衛桧郑齐魏唐秦陈曹豳王此郑氏诗谱次第也【张氏曰始於二南終於豳圣人所以为无穷也】

东山

程氏曰东山所征之地

李氏曰周在丰镐三监叛其地在王室之东周公自周征之是自西而东故谓东征【今按商故都在河北唐杜牧以河北为山东秦汉谓山东山西者皆指太行山东山即商地 孔氏曰金縢云周公居东二年周公在东实出入三年】

四国

毛氏曰四国管蔡商奄也

书序三监及淮夷叛【三监管叔蔡叔霍叔也以其监殷故谓之三监

成王东伐淮夷遂践奄说文邾国在鲁 括地志兖州曲阜县奄至乡奄国之地

左传周有徐奄注二国嬴姓分鲁公因商奄之民 孟子注奄东方国

通鉴外纪奄君谓武庚禄父曰此百世之时也请举事禄父从之率奄淮夷叛周公奉王命兴师东伐 书多方注云奄国在淮夷之傍

孔氏曰书传称周公二年救乱二年克殷三年践奄

书传又曰奄君薄姑薄姑齐地名非奄君名 四国不数淮夷

四国之君禄父管叔皆见杀蔡叔放之奄迁其君於齐

周书作雒篇武王克殷乃立王子禄父俾守商祀建管叔于东建蔡叔霍叔于殷俾监殷臣周公立相天子三叔及殷东徐奄及熊盈以叛周公召公内弭父兄外抚诸侯二年乃作师旅临卫攻殷大震溃降辟三叔王子禄父北奔管叔霍叔缢乃囚蔡叔于郭邻凡所征熊盈族十有七国俘维九邑俘殷献民迁于九里成周之地俾康叔宇于殷俾中旄父宇于东】欧阳氏曰周召王豳皆出于周邶鄘合于卫桧魏世家绝其可考者七国而已

诗地理攷卷二

〈经部, 诗类, 诗地理攷〉

钦定四库全书

诗地理攷卷三

宋 王应麟 撰雅

郑氏谱曰小雅大雅者周室居西都丰镐之时诗也始祖后稷由神气而生有播种之功于民公刘至于大王王季历及千载越异代而别世载其功业为天下所归文王受命武王遂定天下盛德之隆大雅之初起自文王至于文王有声据盛隆而推原天命上述祖考之美小雅自鹿鸣至于鱼丽先其文所以治内后其武所以治外此二雅逆顺之次要于极贤圣之情著天道之助如此而已矣又大雅生民及卷阿小雅南有嘉鱼下及菁菁者莪周公成王之时诗也传曰【孔氏曰未知此传在何书】文王基之武王凿之周公内之谓其道同终始相成比而合之故大雅十八篇小雅十六篇为正经其用于乐国君以小雅天子以大雅然而飨宾或上取燕或下就何者天子飨元侯歌肆夏合文王诸侯歌文王合鹿鸣诸侯于邻国之君与天子于诸侯同天子诸侯燕群臣及聘问之賔皆歌鹿鸣合乡乐此其著略大较见在书籍礼乐崩壞不可得详大雅民劳小雅六月之后皆谓变雅美恶各以其时亦显善惩过正之次也问者曰常棣闵管蔡之失道何故列于文王之诗曰闵之闵之者闵其失兄弟相承顺之道至于被诛若在成王周公之诗则是彰其罪非闵之故为隐推而上之因文王有亲兄弟之义又问曰小雅之臣何以独无刺厉王曰有焉十月之交雨无正小旻小宛之诗是也汉兴之初师移其第耳乱甚焉既移又改其目义顺上下刺幽王亦过矣

朱氏曰正小雅燕飨之乐也正大雅會朝之乐受厘陈戒之辞也及其变也事未必同而各以其声附之

周道郁夷

地理志右扶风郁夷县注诗周道郁夷颜氏曰四牡诗周道倬遲韩诗作郁夷言使臣乘马于此道

管蔡

郡国志河南中牟有管城管叔邑河内山阳有蔡城蔡叔邑山阳故城在懷州修武县西北

括地志郑州管城县今州外城即管国城叔鲜所封豫州【今蔡州】上蔡县在州北七十里古蔡国外城叔度所都城也有蔡冈在县东十里因名 宋忠云胡徙居新蔡

輿地志平侯徙新蔡

昆夷 【混夷 串夷】 周穆王伐畎戎

孙毓曰按书传文王七年五伐有伐密须犬夷黎邠崇汉匈奴传周西伯昌伐畎夷注畎夷即畎戎也又曰

昆夷或作混又作緄【竝音工本反】亦曰犬戎【山海经云黄帝生苗龙苗龙生融吾融吾生弄明弄明生白犬白犬有牝牡是为犬戎 说文赤戎木犬种故字从犬】

陇以西有畎戎 史记自陇以西有緄戎

緄混夷駮矣【音昆】说文引诗犬夷咽矣皇矣串夷载路【郑氏曰即混夷西戎国名】 孟子文王事昆夷【书大传注引诗畎夷喙矣】

狁

史记匈奴传唐虞以上有山戎狁狁葷粥居于北蛮【颜氏曰皆匈奴别号 晋灼曰尧时曰葷粥周曰狁狁秦曰匈奴】

孟子大王事獯鬻曹氏曰西北二边相犄角为寇故征 狁则西戎作伐西戎则 狁平 汉匈奴传武王伐纣而营雒邑复居于酆镐放逐戎夷泾洛之北以时入贡名曰荒服懿王时戎狄交侵暴虐中国诗人始作疾而歌之曰靡室靡家狁狁之故

往城于方 朔方

毛氏曰方朔方近 狁之国也 朱氏曰今灵夏等州之地

曹氏曰即六月所谓侵镐及方郡县志夏州朔方县什贲故城在县治北即汉朔方县之故城也诗所谓王命南仲城彼朔方是也汉武帝元朔二年收河南地置朔方五原郡使苏建筑朔方什贲之号盖蕃语也程氏曰城朔方而 狁之难除御戎狄之道守备为本不以攻战为先也

史记匈奴传戎狄逐周襄王暴虐中国故诗人歌之曰出輿彭彭城彼朔方

汉书宣王兴师征伐诗人美大其功曰出车彭彭城彼朔方

西戎

朱氏曰昆夷也

后汉西羌传武乙暴虐犬戎寇边周古公逾梁山而避于岐下及子季历遂伐西落鬼戎太丁之时季历复伐燕京之戎戎人大败周师后二年周人克余无之戎于是太丁命季历为牧师自是之后更伐始呼翳徒之戎皆克之【竹书纪年】及文王为西伯西有昆夷之患北有狁狁之难遂攘戎狄而戎之莫不宾服乃率西戎征殷之叛国以事纣

南有嘉鱼

毛氏曰江汉之间鱼所产也

左太冲蜀都赋嘉鱼出于丙穴【陆氏曰丙穴在汉中沔阳县北穴口向丙故曰丙 类要丙水出丙穴在兴州顺政县今沔州文选注丙地名有鱼穴二所常以三月取之 丙者向阳穴也 輿地记穴口广五六尺泉源垂注有嘉鱼】

【常以三月自穴下透入水

大景山在兴州南七十里与小景山相连本作丙以避讳改相传北有丙穴产嘉鱼】

四海

尔雅九夷八狄七戎六蛮谓之四海疏曰夷类有九畎夷千夷方夷黄夷白夷赤夷□夷风夷阳夷又□菟乐浪高骊满饰帛更索家东屠倭人天鄙蛮类有八天竺咳首僬侥跂踵穿胷儋耳狗軹旁脊戎类有六僬夷戎夫老白耆羌鼻息天刚狄类有五月支秽貊匈奴单于白屋

焦获

毛氏曰周地接于 狝者

尔雅十薺周有焦护【孙炎云周岐周也】郭璞注今扶风池阳县瓠中是也【寰宇记焦获薺在京兆府泾阳县北外十数里亦名瓠口

沟洫志韩水工郑国说秦令凿泾水自中山西抵瓠口为渠

班彪北征赋夕宿瓠口之□宫注以为焦获】

朱氏曰焦未详所在获郭璞以为瓠中今在耀州三原县【孔氏曰泽薺在瓠中而薺外接于 狝】

镐方

郑氏曰镐也方也皆北方地名

孔氏曰汉刘向疏云吉甫之归周厚赐之其诗曰来归自镐千里之镐犹以为远镐去京师千里颜师古注镐非丰镐之镐【王肃以为镐京王基驳之】

朱氏曰刘向以为千里之镐则非镐京之镐矣未详所在方疑即朔方也

泾阳

郑氏曰泾水之北【孔氏曰水北曰阳】 通典今泾原州地竝泾水之阳

郡县志原州平凉县本汉泾阳县地今县西四十里泾阳故城是也泾水源出百泉县西南泾谷【地理志笄头山淮南一名薄落水故泾水亦曰薄落水 平凉县今属渭州】

孔氏曰泾去京师为近

太原

禹贡既修太原颜师古曰即今晋阳 黄氏曰晋太原大鹵大夏夏虚晋阳凡六名朱氏曰太原亦曰大鹵今在太原府【穀梁传中国曰大原夷狄曰大鹵】

左传注大鹵太原晋阳县【汉太原郡治晋阳】

后汉西羌传穆王迁戎于太原夷王命虢公率六师伐太原之戎至于俞泉宣王遣兵伐大原戎不克 周语宣王料民于大原

孔氏曰杜预云西河介休县南有地名千亩则王师与姜戎在晋地而战也

毛氏曰至于大原言逐出之而已

史记戎狄逐周襄王暴虐中国故诗人歌之曰薄伐玁狁至于大原

九域志古京陵在汾州周宣王北伐玁狁时立郡县志在平遥县东七里汉京陵县又曰太原台骀之所居 帝王世纪帝尧徙晋阳即今大原也

地理志赵西有太原秦庄襄四年初置大原郡【汉二十一县】

唐开元十一年改并州为大原府高齐移晋阳县于汾水东隋开皇十年于州城中古晋阳置太原县在州东二里百六十步太平兴国四年省入榆次

薛氏禹贡解曰太原在榆次县

左传晋居深山戎狄之与邻而远于王室王灵不及拜戎不暇【中行穆子败狄于太原注晋阳县】

中乡

郑氏曰美地名

蛮荆

毛氏曰荆州之蛮也

郑语史伯曰当成周者南有荆蛮【注芊姓之蛮鬻熊之后也】叔熊逃难于濮而蛮【濮蛮邑】蛮芊蛮矣【谓叔熊】

晋语叔向曰昔成王盟诸侯于岐阳楚为荆蛮【注荆州之蛮】置茅 设望表与鲜牟【东夷国】守燎故不与盟 吴语有蛮荆之虞

后汉南蛮传槃瓠后滋蔓今长沙武陵蛮是也周世党众弥盛宣王中兴乃命方叔南伐蛮方诗人谓蛮荆来威【楚世家熊霜元年周宣王初立】

曹氏曰宣王北伐之事大矣然止见于六月之诗其所任者吉甫一人而已至于南征在小雅见于采芑者则命方叔在大雅见于江汉者则命召虎见于常武者则命大师皇父而各言其成功则荆蛮淮夷之作难非一时其所任非一人

东都

朱氏曰东都洛邑也周公相成王营洛邑为东都以朝诸侯周衰久废其礼至宣王复會诸侯 左传成王合诸侯城成周以为东都

通鉴外纪成王使召公先相宅周公至洛师复卜申视营筑谓之王城是为东都制郊畿方六百里因西土为方千里分为四县县有四郡郡有鄙曰此天下之中四方入贡道均【书传云五年营成洛邑】晁氏曰昔夏后初都阳城南逾洛阳百里而遠成汤迁亳殷东逾洛阳五十里而近皆會洛阳而不都周兴武王既定鼎郊廓厥后召公相宅洛邑周公营成周其意盛矣而成王卒不果迁逮夫宣王中兴自济之洛狩于圃田及于敖山因以朝诸侯车攻之诗作焉岂不欲成周召之志欤且宣王尝狩于岐而石鼓之诗亦伟矣夫子乃舍而弗录得非岐之狩为常而东都之狩非常乎惜夫宣王卒亦不果迁也至平王是迁而周衰矣

王氏曰成王欲宅洛者以天事言则日东景朝多阳日西景夕多陰日南景短多暑日北景长多寒洛天地之中风雨之所會陰阳之所和也以人事言则四方朝聘贡赋道里均焉非特如此而已德三监之难毖殷顽民迁以自近洛距姝邦为近则易使之迁作王都焉则易以镇服也虽然镐京宗庙社稷官府宫室具在不可迁也故于洛时會诸侯而已何以知其如此以诗考之宣王时會诸侯于东都而车攻谓之复古

驾言徂东毛氏曰东洛邑也

文武竞土

曹氏曰岐周之地迫近西北二边镐方焦获之地尝为其所据

甫草

韩诗作圃草 郑氏曰甫田之草也 郑有甫田【音补谓圃田郑藪也】

吕氏春秋九藪梁之圃田 尔雅十藪郑有圃田

穆天子□天子里甫田之路东至于房【左传郑有原圃】郡国志河南中牟县有圃田泽

郡县志圃田泽一名原圃在郑州中牟【今属开封府】西北七里其泽东西五十里南北二十六里【水经注东西四十余里】西限长城东极官渡上承管城县界【水经注北佩渠水】曹家陂又溢而北流为二十四陂【在管城县东三里】

水经注云渠水自河与济乱流东迳滎泽北东南分济历中牟县之圃田泽北与阳武分水泽多麻黄草述征记曰践县境便覩斯卉穷则知逾界诗所谓东有圃草也

皇武子曰郑之有原圃犹秦之有具囿泽在中牟县西

竹书纪年梁惠成王十年入河水于甫田又为大沟而引甫水

朱氏曰甫草甫田也后为郑地宣王之时未有郑国圃田属东都畿内故往西也陈氏曰九州川浸泽藪名在职方不属诸侯之版而

诗不以圃田系郑春秋不以沙麓系晋略可觀矣周季诸侯始擅不盼之利齐斡山海而桃林之塞郇瑕之地晋实私之甚者至周歲贡百二十金于魏以易温囿韩诗东有圃草补传曰甫田易野也易野以车为主故用以选车田车既好是也

敖

郡县志敖山在郑州荥泽县西十五里春秋时晋师在敖郟之间【二山名在荥阳县西北】

宋武北征记曰秦时筑仓于山上汉高祖亦因敖仓傍山筑甬道下汴水践土台故王宫在县西北十五里临汴水南带三皇山秦所置仲丁迁于器此也诗薄狩于敖皆此地括地志荥阳故城在郑州荥泽县西南十七里殷时敖地周时名北制在敖山之阳水经济水东迳敖山北注云诗薄狩于敖山上有城殷仲丁所迁秦置仓于其中亦曰敖仓城郑氏曰敖郑地今近荥阳

吕氏曰晋师救郑在敖郟之间设七覆于敖前则敖山之下平旷可以屯兵翳荟可以设伏东有甫草即此地 郡国志河南荥阳有敖亭周宣王狩于敖

补传曰敖险野也险野以人为主故用以选徒

漆沮

禹贡雍州漆沮既从蔡氏曰漆水寰宇记自耀州同官县东北界来经华原县合沮水沮水地志出北地郡直路县东今坊州宜君县西北境也寰宇记沮水自坊州升平县北子午岭出俗号子午水下合榆谷慈马等川遂为沮水至耀州华原县合漆水至同州朝邑县东南入渭二水相敌故竝言之既从者从于渭也

朱氏曰漆沮在西都畿内泾渭之北所谓洛水今流入鄜坊至同州入河

段氏曰书所谓漆沮在泂水之东为渭之下流吉日漆沮乃會于东都继田猎之后则宜为下流之漆沮蓋遠歷鄜坊北之东都为地近 李氏曰禹贡东过漆沮即此漆沮是也孔氏传在泾水之东一名洛水与自土沮漆者别也此职方氏所谓雍州其浸渭洛非河南之洛也【水经注洛水阨驷以为漆沮之水史记正义括地志云洛水源出庆州洛源县此非古公所度漆沮也】

南山

幽幽南山刘氏曰镐京之阳终南之山【严氏曰周都丰镐面对终南故天保祝君斯干考室节南山刺师尹皆指此山】

沔水

晋语公子赋河水注河当作沔字相似误也【严氏曰杜诗云众流归海意万国奉君心与此诗意同】

褒

輿地广记兴元府褒城县故褒国汉置褒中县

括地志褒国故城在县东二百步【国都城记褒国姁姓夏同姓所封

水经注石门在汉中之西褒中之北褒水又东南歷褒口即褒谷之南口也北口曰斜褒水又南迳褒县故城东褒中县也本褒国又南流入于汉南郑县故褒之附庸周显王之世蜀有褒汉之地至六国楚人兼之怀王衰弱秦略取焉晋语周幽王伐有褒

郑语褒人褒姁 鲁诗閼妻扇方处 班婕妤赋哀褒閼之为野】

百川沸腾

周语幽王三年西周三川皆震注西周镐京也邠岐之所近三川泾渭洛【洛即漆沮】震动也地震故三川亦动伯阳父曰昔伊洛竭而夏亡河竭而商亡今周德若二代之季矣是歲也三川竭岐山崩向

孔氏曰左传桓王与郑十二邑向在其中杜预云河内轹县西有地名向上则向在东都之畿内也【轹县唐省入孟州济源】

水经注云向城北向冈左传襄十一年诸侯伐郑师于向

朱氏曰都大邑周礼畿内大都方百里小都方五十里皆天子公卿所封也向在东都畿内今孟州河阳县是也九域志同州有向城诗作都于向谓此

苏公

郑氏曰苏畿内国

孔氏曰左传昔周克商使诸侯抚封苏忿生以温为司寇则苏国在温【杜预曰今河内温县是东都畿内也】春秋时苏称子此云公者盖子爵而为三公书司寇苏公【郑语已姓昆吾之后僖十年温子奔卫传云苏子注国于温故曰温子世本苏成公作箴】

寰宇记故温城在孟州温县西三十里【地理志河内郡温县故国已姓苏忿生所封】

暴公

郑氏曰暴畿内国

春秋文八年公子遂會雒戎盟于暴杜氏注郑地【朱氏曰战国及汉时有人姓暴世本暴辛公作顷 譙周古史考云古有顷箴尚矣风俗通暴辛公周诸侯也】

有北

毛氏曰北方寒凉不毛之地 庄子穷髮之北

杨园 亩丘

毛氏曰杨园园名【朱氏曰下地也】亩丘丘名【尔雅释丘云如亩李巡曰谓丘有垄界如田亩 朱氏曰高地】 孔氏曰于时王都之侧盖有此园丘诗人见之为详

东国 谭【见前】

孔氏曰谭国在京师之东

陈氏曰晋之乘楚之柁杞鲁之春秋皆东迁之史也古者诸侯无私史有邦国之志则小史掌之而藏周室鲁人所谓周人御书晋人所谓辛有之二子董之晋于是有董史者也是故费誓系于周书汉汝江沱至于谭大夫下国之诗皆编入于南雅

朱氏曰小东大东东方小大之国也自周视之则诸侯之国皆在东方【文中子龚氏注周之侯国各得献诗於王若大东渐渐之石之类是也】

汎泉

毛氏曰侧出曰汎泉【音轨 释名流狄而长如车轨】

江汉南国之纪

郑氏曰江汉南国之大水

曹氏曰江汉受百川之水而注之海使无泛滥之患所以纪理南国此诗指江汉而言尽瘁以渐渐之石之诗考之幽王时荆舒尝叛命将徂征则从征役之事者多矣【禹贡江汉朝宗于海黄氏曰江汉至荆州合流去海犹远而已有朝宗之势俗疆於此示训

孔氏曰幽王之时楚已强矣 郑语史伯谓桓公曰南有荆蛮不可以入】

芄野

毛氏曰遠荒之地 苏氏曰芄地名

以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/127102201140006112>